



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Unus Pro Omnibus, Hoc est: Christus Jesus Dei Filius**

**Ginther, Anton**

**Augustæ Vindelicorum, 1733**

**VD18 12431648**

Consideratio III. Christus Adamus secundus reparat in cruce, quod Adamus primus in paradiso destruxit in arbore.

[urn:nbn:de:hbz:466:1-45934](https://nbn-resolving.org/urn:nbn:de:hbz:466:1-45934)

alta montium securè ad suos perduxit, in cuius rei memoriam pergrandem Crucifixi effigiem illie locorum iussit erigi, quam conspiciens de longè veneratus sum.

Ad te nunc me verto, anime mi, dic, obsecro, quid aliud vita tua est, quàm continuus cursus ad mortem? Et quò te subinde non ducunt inlolli isti & canes venatici, scilicet tuæ infrunitæ passiones, concupiscentiæ, carnis tumultus, dæmonum insultus & mali habitus? Igitur arborem oportet quærere, quæ ab interitù te eripiat; Arbor hæc salutifera est Crux Dominica, in qua vita & salus mundi pependit, in qua Christus triumphavit, & mors mortem superavit in æternum; ad hanc, inquam, curre, quia, prout loquitur S. Ambrosius, per arborem mors, & vita per crucem.



### CONSIDERATIO III.

Christus Adamus secundus reparat in Cruce, quod Adamus primus in Paradiso destruxit in arbore.

*Unius delicto multi mortui sunt: multò magis gratia Dei, & donum in gratia unius hominis Jesu Christi in plures abundavit. Ad Rom. 5. 15.*

1.

**P**rimus homo de humo sumptus, & ex limo creatus, à DEO creatore suo nomen accepit ADAM. Obierva hic Lector prudens; Tò nomen ADAM quatuor constat litteris, quæ in græco quatuor orbis demonstrant plagas; A Anatole, id est Orientem, D Dysis Occidentem; A Arctos Aquilonem, & M Mezembria Meridiem, sed hoc, prout rerum ponderanti patet, est crucem exprimere; ita Rabanus: *Nomen primi hominis, id est, Adam in figura & forma sanctæ crucis dispositum est; quatuor enim orbis partes veram, seu quadratam formant crucem, & S. Hieronymus: Ipsa, inquit, species crucis quid est aliud, nisi forma quadrata mundi? Ut per hoc videlicet*

Rabanus fig. 12. de S. Cru. S. Hieron. in Marc. c. 11.

*Ginther Unus pro omnibus.*

B

cet mysterium omnibus indicaretur, non aliam Adamo & posteris ejus ad cœlestem patriam esse, & impofterum supereffe viam, quam viam regiam sanctæ crucis.

2. Adam primus peccavit per superbiam & inobedientiam, dum uxori & serpenti infernali ex pomo vetito divinam promittenti omniscientiam credidit: *Eritis sicut dii, scientes bonum & malum.* Christus Adam secundus reparavit in cruce hoc superbiam & inobedientiam delictum, de quo Apostolus: *Humiliavit semetipsum factus obediens usque ad mortem, mortem autem crucis.*

Rom. 5. 12. Adam primus Auctor fuit omnium malorum, quæ in universum promanarunt genus humanum: *Per unum hominem peccatum in hunc mundum intravit, & per peccatum mors, & ita in omnes mors pertransiit, in quo peccaverunt.* Christus crucifixus auctor est omnium bonorum, gratiarum & benedictionum, imò vitæ æternæ: *Sicut in Adam, ait Apostolus, omnes moriuntur, ita & in Christo omnes vivificabuntur.*

3. Adam per generationem carnalem parens est omnium hominum: *Fecit DEUS ex uno omne genus humanum inhabitare super universam faciem terra.* Christus crucifixus per generationem spiritualem est verus parens noster, qui secundum misericordiam suam magnam regeneravit nos in spem vivam &c.

Adam post admissam prævaricationem cum uxore sua summo perè erubescerebat, quòd esset nudus, ideò consuerunt sibi folia ficus, ut nuditatem suam tegerent: *Cumque cognovissent se esse nudos, consuerunt folia ficus, & fecerunt sibi perizomata.* Christus nudus in cruce pendit, ah quanta cum erubescencia & rubore, quis dicet? *Diviserunt sibi vestimenta mea, & super vestem meam miserunt sortem.* Et dilectus ille pretiosissimi Redemptoris nostri Discipulus: *Partiti sunt vestimenta mea sibi, & in vestem meam miserunt sortem.* Supra quod S. Ambrosius: *Resert, inquit, considerare, qualis ascendat, nudum video, talis ascendit, quales nos auctore DEO natura formavit, talis in paradiso homo primus habitaverat, talis ad paradysum homo secundus intravit.*

4. Adam in horto paradisi & in loco voluptatis peccavit: *Plantaverat autem Dominus DEUS paradysum voluptatis à principio, in quo posuit hominem, quem formaverat.* O felix ille hortus, priusquam Adam in eo peccaverat, sed ubi in eo seductus fuit, & legem DEI prævaricatus est, initium in illo omnium peccatorum à posteris commissorum & committendorum sumpsit. Christus secundus & innocentissimus Adam in horto Gethsemani suam inchoavit passionem: *Egressus est cum discipulis suis trans torrentem Cedron, ubi erat hortus &c.* Et in alio horto suam finiit passionem, ubi & sepeliri voluit, ut unde mors oriebatur, inde

inde vita resurgeret: *Erat autem in loco, ubi crucifixus est, hortus, & in Joann. 19. 41. horto monumentum novum, in quo nondum quisquam positus erat, ibi ergo propter pascha Judaeorum, quia juxta erat monumentum, posuerunt Jesum.*

5. Ad Adamum prævaricatorem quondam à DEO dictum est: *Maledicta terra in opere tuo: in laboribus comedes ex ea cunctis diebus vita tua: Gen. 3. 17. spina: & tribulus germinabit tibi: in sudore vultus tui vesceris pane. Considera nunc novum Adamum, quomodo per crucem & passionem suam terræ maledictæ de novo benedixerit: Benedixisti Domine terram tuam &c. Plat. 84. 1. Remissi iniquitatem plebis tuae &c. Vide, ac perpende insuper prædictas Protoplasti pœnas, quas ipse secundus Adam in laboribus à juventute sua Psal. 87. 16. patientissimo animo sustinuit. Bone DEUS! quot spinas pungentes ac tribulos illi germinavit Hebraica tellus? Vide quantum sudaverit per omnem vitam ovem quærendo perditam, in monte Olivario, sub gravissimo crucis aratro, ac tandem in colle Golgothæo pendens in ligno.*

6. De Adam refert ulterius Scriptura, quòd præ pudore & confusione, ac præsertim ob metum divini judicii inter densissimas paradisi arbores se absconderit: *Abscondit se in medio ligni. Christus cum ad necem & judicium quæreretur, non se abscondit, sed ipse ultrò militibus ac hostibus suis obviam processit, tradens se ipse voluntariè in manus peccatorum: Jesus itaque sciens omnia, quæ ventura erant super eum, processit, & dixit eis: Quem quæritis? Joann. 18. 4.*

Adam, ubi de ligno scientiæ boni & mali comedit, mox, conscientiam animi illius acerrimè stimulante, advertit, in quantam miseriarum voraginem ipse & genus universum humanum devenisset, unde fugam meditati venit in occursum ipse Dominus ad auram post meridiem, Protoplastum reum ad se vocans: *Ubi es? Supra quod S. Gen. 3. 9. Irenæus: Illud, inquit, significabat, quòd Christus ad mundi vespem venturus esset ad redimendum Adam, ejusque posteros. Et quia Adam in arbore vetita peccavit, Christus DEI Filius in arbore infami passus est, ubi jam tunc in paradiso, prout observat Ecclesia: Ipse lignum tunc notavit, damna ligni ut solveret, & medelam ferret inde, hostis unde laserat.*

7. Adam tandem è paradiso per justissimam sententiam fuit eliminatus: *Ejecitque Adam, & collocavit ante paradisum voluptatis Cherubim, qui illum, prout vult S. Augustinus, vel manu eduxit, ut Raphael Tabiam, vel abripuit, ut Angelus Habacuc ex Judæa in Babylonem transportavit, ut Danieli ferret prandium &c. Christus pari modo ex civitate Hierosolymitana cum crucis pondere ejectus & eductus est, & quidem eadem horâ & feriâ sextâ, ubi Adam peccavit, crucifixus, & circa horam nonam diei in cruce pro salute mundi mortuus est:*

Beda & alii apud Cornel. *Rationis, ait V. Beda, imò divina pietatis ordo poscebat, ut quâ horâ primus Adam peccando mortem huic mundo invexerat, eâdem horâ secundus Adam mortem moriendo destrueret.*

8. De Adamo commemorant ulterius SS. Patres, quòd illius caput seu cranium in Calvariæ monte fuerit sepultum: *Congruebat, ait S. Ambrosius in c. 23. Lucæ, ut ibi vita nostra primitia locarentur, ubi fuerant mortis exordia, Quod Adami cranium Christus ibidem suo sanguine de cruce copiose stillante à sorde peccati mundavit, & ad vitæ gratiam misericorditer revocavit juxta illud; Surge qui dormis, & exurge à mortuis; & illuminabit te Christus.* Et ideo existimat Molanus & alii, hunc mortem in Ecclesia DEI provenisse, quòd sub Crucifixi Domini iconibus ac statuis quædam calvaria appingi, aut adsculpi soleat, per quam Adam sub crucis trunco sepultus, & à Christo redemptus significatur.

9. Adam denique fuit expressa figura & typus Christi, ita Apostolus in Epistola, quam scripsit ad Romanos: *Qui est forma futuri, hoc est venturi Christi in hunc mundum. Adam ex terra virgine, & non maledicta sine virili semine à DEO procreatus est; ita Christus ex Matre Virgine nunquam maledicta, sed semper benedicta terra per virtutem Spiritûs Sancti generatus est: Quod nascetur ex te Sanctum, vocabitur Filius DEI.* Adam fuit caput & sponsus Evæ: *Sub viri potestate erit: Christus est caput & sponsus Ecclesiæ suæ, quam redemit in sanguine suo: Christus est caput Ecclesiæ.* Ex Adami dormientis latere & costa Eva formata est: *Inmisit ergo Dominus Deus soporem in Adam; cùmque obdormisset, tulit unam de costis ejus, & replevit carnem pro ea, & edificavit Dominus Deus costam, quam tulerat de Adam, in mulierem.* Ex Christo Domino, ubi in cruce obdormivit, & latus ejus lanceâ apertum est, Ecclesia Mater eunctorum viventium prodiit; ita S. Augustinus: *Ascendat, inquit, sponsus noster thalami sui lectum, dormiat moriendo, aperiatur ei latus, & Ecclesia prodeat virgo: ut quomodo Eva facta est ex latere Adæ dormientis, ita Ecclesia formetur ex latere Christi in cruce pendentis.* O anima Christiana! vide, & considera, in veritate Sacramentum hoc magnum est, ego autem dico in Christo & Ecclesia.

Adam denique à DEO præfectus est omnibus corporeis creaturis, tanquam Dominus univerforum in terra. Quanta dignitas! & tamen illam perdidit unico pomi morsu; sed egit post lapsum per annos 930. amarissimam pœnitentiam, & ideo piè creditur, quòd fuerit salvatus, & inter illos Sanctos, qui cum Christo surrexerunt, & nunc in cœlo sit testis fidelis passionis & redemptionis generis humani. Major, imò omnis potestas data est Christo in cœlo & in terra, de quo

quo S. Leo Papa: Quod cecidit in Adam primo, erigitur in secundo: Propter quod & DEUS exaltavit illum, & donavit illi nomen, quod est super omne nomen, ut in nomine JESU omne genua flectatur &c.

CONSIDERATIO IV.

Christus Crucifixus justus Abel, jam ab origine mundi in suis typis occisus, & crucifixus.

Consurrexit Cain adversus fratrem suum Abel, & interfecit eum. Gen. 4. 8.

1.

**A**bel virgo, Sacerdos & Martyr primam post Adamum meruit præferre Christi Crucifixi figuram, dum primus in patenti campo erexit aram, in qua DEO optima ac pinguis gregis sui primogenita, hoc est; Agnos litavit: *Abel obtulit de primogenitis gregis sui, & de adipibus eorum; Cain vero agricola munera tantum aliqua absoleta de frugibus terræ DEO suo præsentavit: Factum est autem post multos dies, ut offerret Cain de fructibus terra munera Domino.*

Inspiciamus modò, quàm gratum & acceptum utriusque sacrificium DEO acciderit; de victima Abelis testatur Scriptura: *Respexit Dominus ad Abel, & ad munera ejus, dum scilicet igne de cælo lapso illius sacrificium probavit & absumpsit, Caini vero munera prorsus intacta relinquens contempsit, & faciem ab eis avertit: Ad Cain autem & ad munera ejus non respexit.* Et quare hoc? nunquid apud DEUM est respectus personarum?

Causam hujus mysterii subjungit Rupertus Abbas in Genesin, ubi docet, Abelem hoc suo sacrificio præsignasse, & quodammodo præcurrisse sacrificium Crucis, offerebat enim agnos immaculatos & optimos: *In quibus, ait doctissimus Quaresmius, Christi sacrificium & sacra*

B 3

Quaresim. to. vultu. 1. c. 3. lect. 2.